

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

Zaključak

po Prijavi koncentracije privrednog subjekta „Nestro Petrol“ a.d. Banja Luka i privrednog subjekta „Gas Petrol“ d.o.o. Mrkonjić Grad

Sarajevo
septembar, 2015. godine



Broj: 02-26-1-022-3-II/15
Sarajevo, 15.09.2015. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2), a u vezi s čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Akcionarsko društvo za promet nafte, naftnih derivata i prirodnog gasa "Nestro Petrol" Banja Luka, Kralja Alfonsa XIII broj 9, 78000 Banja Luka, zaprimljenoj pod brojem: 02-26-1-022-II/15 dana 24. juna 2015. godine, na 109. (stotinudevetoj) sjednici održanoj dana 15.09.2015. godine, je donijelo

Z A K L J U Č A K

1. Odbacuje se Prijava koncentracije privrednog subjekta Akcionarsko društvo za promet nafte, naftnih derivata i prirodnog gasa "Nestro Petrol" Banja Luka, Kralja Alfonsa XIII broj 9, 78000 Banja Luka, radi neispunjavanja uslova za Prijavu koncentracije, u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine

O b r a z l o ž e n j e

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem: 02-26-1-022-II/15 dana 24.06.2015. godine, Prijavu koncentracije (u daljem tekstu: Prijava) privrednog subjekta „Nestro Petrol“ a.d. Banja Luka, Kralja Alfonsa XIII broj 9, Banja Luka, Bosna i Hercegovina (u daljem tekstu: Nestro Petrol ili Podnosilac prijave), kojom isti namjerava steći kontrolu nad dijelom drugog učesnika u koncentraciji, privrednog subjekta „Gas Petrol“ d.o.o. Mrkonjić Grad, ul. Podbrdo bb, Podbrdo, Mrkonjić Grad, Bosna i Hercegovina (u daljem tekstu: Gas Petrol) kupovinom benzinske stanice u Mrkonjić Gradu, u skladu sa članom 12. stav (1), tačka (a) Zakona o konkurenciji ("Službeni glasnik BiH", br. 48/05, 76/07 i 80/09) (u daljem tekstu: Zakon).

Uvidom u podnesenu Prijavu Konkurencijsko vijeće je utvrdilo da je ista kompletna, u smislu člana 30. Zakona i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 30/10) i izdalo potvrdu o prijemu kompletne i uredne Prijave, u smislu člana 30. stav (3) Zakona, broj: 02-26-1-022-1-II/15.

Podnosilac Prijave je, u smislu člana 30. stav (2) Zakona, naveo da nema namjeru podnijeti zahtjev za ocjenu koncentracije ovlaštenim tijelima izvan teritorije Bosne i Hercegovine.

Konkurencijsko vijeće analizom koncentracije je utvrdilo slijedeće činjenice:

Prijava je podnesena u smislu člana 16. stav (2) Zakona (namjeravana koncentracija s pravnim osnovom: pismo namjere).

1. Učesnici koncentracije

Učesnici koncentracije su privredni subjekt „Nestro Petrol“ a.d. Banja Luka, Kralja Alfonsa XIII broj 9, Banja Luka, Bosna i Hercegovina, i privredni subjekt „Gas Petrol“ d.o.o. Mrkonjić Grad, ul. Podbrdo bb, Podbrdo, Mrkonjić Grad, Bosna i Hercegovina.

1.1. Privredni subjekt Nestro Petrol (Podnosilac prijave)

Privredni subjekt Akcionarsko društvo za promet nafte, naftnih derivata i prirodnog plina “Nestro Petrol” Banja Luka, Kralja Alfonsa XIII broj 9, Banja Luka, (prema aktuelnom izvodu iz sudskog registra broj: 057-0-Reg-Z-15-002345 od dana 16.06.2015. godine), registrovan je u sudskom registru Okružnog privrednog suda Banja Luka, pod brojem MBS: 1-10073-00, sa upisanim osnovnim kapitalom u iznosu od (..)*¹ KM, sa (..)* vlasničkog udjela privrednog subjekta Otvoreno akcionarsko društvo “NeftegazInKor”, Kalanchovskasa 11, Build 2, 107078 Moskva, Ruska Federacija.

Pretežna registrovana djelatnost privrednog subjekta Nestro Petrol je maloprodaja naftnih derivata na tržištu Bosne i Hercegovine.

Povezani privredni subjekti Podnosioca zahtjeva u Bosni i Hercegovini su privredni subjekt “Rafinerija nafte” a.d. Brod, Svetog Save bb, 74450 Brod, privredni subjekt “Rafinerija ulja Modriča” a.d. Modriča, Vojvode Stepe Stepanovića 49, 74480 Modriča, te privredni subjekt “Optima Grupa” društvo sa ograničenom odgovornošću za trgovinu naftom i naftnim derivatima, Kralja Alfonsa XIII broj 37a, 78000 Banja Luka.

1.2. Privredni subjekt Gas Petrol

Privredni subjekt „Gas Petrol“ d.o.o. Mrkonjić Grad, ul. Podbrdo bb, Podbrdo, Mrkonjić Grad, Bosna i Hercegovina, (prema rješenju broj: 057-0- Reg-11003582 od dana 28.11.2011. godine) registrovan je kod Okružnog privrednog suda Banja Luka pod matičnim brojem MBS: 1-12755-00 sa upisanim osnovnim kapitalom od (..)* KM sa (..)* vlasničkog udjela fizičkog lica (..)* 78000 Banja Luka.

Pretežna registrovana djelatnost privrednog subjekta Gas Petrol je maloprodaja naftnih derivata na tržištu Bosne i Hercegovine.

2. Pravni okvir ocjene koncentracije

Konkurencijsko vijeće u postupku ocjene koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», br. 18/06 i 34/10), te Odluke o načinu podnošenja prijave i kriterija za ocjenu koncentracija privrednih subjekta («Službeni glasnik BiH», broj 34/10).

3. Pravni osnov i oblik koncentracije

Pravni osnov koncentracije je Pismo namjere potpisano dana 19.06.2015. godine između učesnika koncentracije, kojim privredni subjekt „Nestro Petrol“ namjerava da od privrednog subjekta Gas Petrol kupi benzinsku stanicu u Mrkonjić Gradu.

Benzinska stanica u Mrkonjić Gradu upisana je u Posjedovni list- prepis broj: 160/6, k.č. 9/25-3 Bočac-Crna Rijeka, Benzinska stanica Bočac-Crna Rijeka, Ekonomsko dvorište, K.O. Dabrac, Republička uprava za geodetske i imovinsko-pravne poslove Banja Luka, Područna jedinica OJ Mrkonjić Grad, broj: 21.31-952.1-1-610/2015 od 09.06.2015. godine.

¹ (..)* Podaci predstavljaju poslovnu tajnu

U skladu sa naprijed navedenim, a na osnovu člana 12. stav (1) tačka a) Zakona, pravni oblik predmetne koncentracije je pripajanje dijela privrednog subjekta Gas Petrol privrednom subjektu Nestro Petrol.

4. Relevantno tržište učesnika koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta u proizvodnom smislu obuhvaća sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitet, uobičajenu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvaća cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Na osnovu podataka iz Prijave relevantno tržište proizvoda i/ili usluga u konkretnom slučaju je tržište maloprodaje naftnih derivata.

Uzimajući u obzir teritoriju na kojoj se nalazi benzinska stanica koja je predmet koncentracije, relevantno tržište u geografskom smislu je tržište Mrkonjić Grada.

4.1. Analiza relevantnog tržišta

Procjena tržišnog učešća učesnika koncentracije i njihovih glavnih konkurenata na relevantnom tržištu maloprodaje naftnih derivata na području Mrkonjić Grada u 2014. godini je slijedeća:

Prije koncentracije

Tabela br.1

R.b	Privredni subjekt	Mrkonjić Grad	
		Broj benzinskih stanica	Tržišni udio %
1.	Nestro Petrol a.d. Banja Luka	(..)**	(..)
2.	Gas Petrol d.o.o. Mrkonjić Grad	(..)	(..)
3.	MG-Petrol d.o.o. Mrkonjić Grad	(..)	(..)
4.	NMS Promet d.o.o. Mrkonjić Grad	(..)	(..)
5.	Ostali	(..)	(..)
6.	Ukupno	11	100,00

Izvor podataka: Prijava

Poslije koncentracije

Tabela br.2

R.b	Privredni subjekt	Mrkonjić Grad	
		Broj benzinskih stanica	Tržišni udio %
1.	Nestro Petrol a.d. Banja Luka	(..)**	(..)
2.	Gas Petrol d.o.o. Mrkonjić Grad	(..)	(..)
3.	MG-Petrol d.o.o. Mrkonjić Grad	(..)	(..)
4.	NMS Promet d.o.o. Mrkonjić Grad	(..)	(..)
5.	Ostali	(..)	(..)
6.	Ukupno	11	100,00

Izvor podataka: Prijava

Analizom podataka (Tabela 1. i 2.) Konkurencijsko vijeće je utvrdilo da zajednički tržišni udio učesnika koncentracije na relevantnom tržištu nije veći od 40%.

5. Obaveza prijave namjere koncentracije

Obaveza prijave koncentracije privrednih subjekata, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom tržištu iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije na dan 31.12. 2014. godine su slijedeći:

Tabela br.3

KM	Nestro Petrol	Gas Petrol	Benzinska stanica Mrkonjić Grad
Svijet	-	-	-
Bosna i Hercegovina	(..)**	(..)	(..)

Izvor podataka: Prijava

Godišnji prihodi učesnika koncentracije predstavljaju ukupne prihode (bez poreza na dodatnu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Prema podacima iz Prijave (Tabela 3.) učesnici koncentracije nisu ispunili uslov ukupnog godišnjeg prihoda, u smislu člana 14. stav (1) tačka b) Zakona, budući da Benzinska stanica u Mrkonjić Gradu

kao dio privrednog subjekta Gas Petrol koji je predmet koncentracije, ima godišnji prihod od (..)** KM.

Također, učesnici koncentracije nisu ispunili uslov iz člana 14. stav (1) tačka b) u pogledu tržišnog udjela (Tabele 1. i 2.), s obzirom da je njihov zajednički tržišni udio na relevantnom tržištu znatno manji od 40,0%.

Na osnovu navedenog, utvrđeno je da privredni subjekt Nestro Petrol nije bio obavezan podnijeti prijavu koncentracije, te je odlučeno kao u dispozitivu.

6. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u iznosu od 1.000,00 KM, u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka

Predsjednica

Maida Čampara